

A2^r

Vorred.

WJe löblich vñ fürfichtig die künft/ auch zucht
vnd Übung/ Rei militaris/ das ift/ der Ritterlichen brauchung
In Kriegsleüffen vñ reütterey (wölliche vor anderen künften/
aller groffen Reychen/ land vnd ftett/ ein gebererin vnd ftyff-
terin/ billich geheylffen wirt) durch alte löbliche langkherkom-
men/ vñ gebrauchung vnfern Eltern/ mit mercklichē fleyß vnd
auffhehen/ erlernet/ bewert vñ erobert ift/ So fordert vernunft
follich allt erbar vnd nützlich herkoñen fleyffig zůuerzeychnen/
(fonderlich/ wo es zů merung vñ nutz dem Römifchen Reich koñen mag) vñ dem für-
ften des Reychs zůzefchreiben/ vnd offenbaren/ So dann du Allerdurchleüchtigfter/
Großmächtigfter/ vnuberwintlichfter Fürft vñ herr/ durch götlichs fürfchüg/ des Rō-
mifchen Reichs/ ein gwaltiger Keyfer/ herr vnd verwefer biß/ So wil ich deiner groß-
mechtigen Keyferlichen Maieftat/ vnderthånig/ bemelte Vier bücher/ zů Teütch/
mit jren bolwercken/ gerüften/ als Katzen/ Antreyben/ Ziechthürnen/ Streytwågen
Scheßzeügen/ Wyndtwågen / Fewrpfeyle/ Fußeyfen/ Wafferzeügen/ Wydern/
Steyglaiteren/ Schöpffzeügen/ Vberwerffenden brucken/ Sturmzeügen/ Kugeln/
Schlingen/ Vallzeügen/ Blechzeügen/ Grabzeügen/ vnd andern gebewen zů der rit-
terfchafft/ in kriegsleüffen gehörig/ multerlich mit jren fyguren/ wie die zůbrauchen
feind/ zůfchicken/ Dañ dēiner Keyferlichen Mayeftat kunft vnd tugent/ mag allē dei-
nen vnderthanen mercklichen nutz bringen/ wiewol dein Großmechtigkeyt inn Key-
ferlichen vnd Fürftlichen tugenden vnd kryegsleüffen/ der Ritterfchafft/ vnd aller an-
derer fürfichtigkeyt/ mylt vnd groß begnadet/ vnd die bewerlich geübet hat/ So wirt
doch erfahrung vnd brauchung difer kunft/ neben deiner Keyferlichen Mayeftat allen
hohen/ mitteln vnd nydern ftenden/ nicht wenig nutz bringen/ Dañ wie vier Wagen-
reder zů gleych notturfftig vber ein feld lauffen/ Also beschreyben vns/ Julius/ Fron-
tinus/ Helianus/ Modestus/ vnd Vegetius/ gantz brauchlich vnd loblich/ auch einhel-
lig/ die kunft vnd Übung der Ritterfchafft/ zů lernen vnd ordenlich zůuerbringē/ Da-
durch wirt das Römifch Reich gesterckt/ die feld erbawet/ vnd das land befchyrmet/
Dañ die Lacedemonier/ vnd darnach die Römer/ haben folliche kunft vnd tugent in
groffen eeren gehalten/ vnd dadurch im anfang/ ift das Römifch reich/ mit tugent vñ
güten anfhlegen (von geryngen vrfpringen) in groffe macht vnd oberkeyt koñen/ vñ
durch follich Ritterliche Übung vñ fitten/ großlich vnd mercklich zůgenōmen/ zů letft
alle dife welt beftrytten/ auch vnderthånig vnnd gehorfam gemacht. Mit was weyß-
hey/ vorteyl/ vnd hoher vernunft/ Scipio der Edeler Römer/ feine anfhlege gema-
chet/ vnd die mechtige ftatt Carthago/ gewonnen/ vnd erobert hat/ wie mannlich vñ
Ritterlich er den nachkoñen/ vnd die mit den wercken vollenftreckt/ vnd volendt hat/
ift offenbar/ Darumb das gegenwertig werck/ eym jedern/ der fich in Ritterlichen od-
der weltlichen fachen brauchen vñ üben muß vnd fol/ wol zů nutz raichen würdet.
Darauß nimpt der alt weyßhey/ vnnd der Jung mannhey vnd gefchick-
ligkeyt/ Darauß erlanget jegklicher regierer feines lands vnd volckes/

glück vnnd lyge/ vnnd ficherung feynes lebens/ Aber jr vnwyffen
bekümmeret/ verderbt vnnd zerftört land vnnd leütt/
Derhalbenn ift fie für eyn fonderliche zůflu-
chte zů lyebenn vnnd zů
haltenn.

A ij Eyn